

Nefndasvið Alþingis  
Velferðarnefnd  
Austurstræti 8-10  
150 Reykjavík

Reykjavík, 27. október 2014

**Efni: Umsögn BSRB um tillögu til þingsályktunar um útreikning nýrra neysluviðmiða fyrir íslensk heimili, þskj. 18-18. mál**

BSRB hefur fengið til umsagnar tillögu til þingsályktunar um útreikning nýrra neysluviðmiða fyrir íslensk heimili, 18. mál. Í tillögunni er lagt til að félags- og húsnæðismálaráðherra verði falið að hefja vinnu við útreikning nýrra neysluviðmiða fyrir íslensk heimili. Útreikningarnir verði gerðir í samráði við hlutaðeigandi aðila. Í nýjum neysluviðmiðum verði tekið tillit til þeirra þátta sem núverandi neysluviðmið byggjast á en auk þess verði húsnæðiskostnaður tekinn með. Í því samhengi verði horft til mismunandi búsetuforma og staðsetningar húsnæðis. Með húsnæðiskostnaði er átt við allan kostnað sem fellur til vegna eigin húsnæðis og leiguhúsnæðis.

Við undirbúning nógildandi neysluviðmiða sem byggja í grunninn á útgjaldarannsóknnum Hagstofunnar sem uppfærð hafa verið árlega samkvæmt upplýsingum á vef velferðarráðuneytisins lagði BSRB áherslu á það í umsögn sinni vegna þeirra til ráðuneytisins að nauðsynlegt væri að uppfæra neysluviðmið reglulega, ekki sjaldnar en á hálfárs fresti en oftar ef umtalsverðar gjaldskrár- eða verðlagshækkningar ættu sér stað. BSRB styður gerð nýrra neysluviðmiða þar sem leitast verði við að þau endurspegli raunverulegan framfærslukostnað heimilanna og viðmiðin verði uppfærð oftar m.a. með tilliti til umtalsverðra verðlags og/eða gjaldskrárhækkana sem leggjast á heimilin. Þá telur BSRB rétt að við uppfærslu viðmiðanna hverju sinni sé litið til raunverulegra útgjalda heimilanna en viðmiðin ekki uppfærð að meginstefnu til eingöngu á grunni vísitölu neysluverðs en nógildandi viðmið eru eingöngu uppfærð þriðja hvert ár á grunni rannsókna Hagstofu Íslands.

Þá benti BSRB á í tilgreindri umsögn sinni til velferðarráðuneytisins vegna upphaflegra neysluviðmiða þar sem húsnæðiskostnaður var innifalinn að húsnæðiskostnaður væri óeðlilega lágur í viðmiðinu og því væri betra að sleppa honum til að komast hjá því að gefa villandi upplýsingar. BSRB leggur því áherslu á að sé húsnæðiskostnaður tekinn með í neysluviðmiði sé mikilvægt að hann endurspegli raunverulegan húsnæðiskostnað heimilanna og taki tillit til ólíkra útgjaldaþátta í húsnæðiskostnaði.



Í tillögunni er lagt til að útreikningarnir verði gerði í samráði við hlutaðeigandi aðila og telur BSRB mikilvægt að bandalagið komi að þeirri vinnu.

Með vísan til framangreindra athugasemda gerir BSRB ekki athugasemd við framgang tillögunnar.

Fyrir hönd BSRB

A handwritten signature in blue ink that reads 'Helga Jónsdóttir'.

Helga Jónsdóttir  
framkvæmdastjóri